

Dhugumaan Waaqayyo, ' waaqota sadanii'?

*Ergama Macaafa Qulqulluu Kiristrositti
Obboleewwanii
(Christadelphian Bible Mission)*

BU'UURA DHUGAA MACAFA QULQULLUU

Dhugumaan Waaqayyo "Waaqota Sadanii?"

*WALITTI DHUFEENYA WAAQAYYOO FI YESUS
GIDDUU JIRU HUBACHUU
(UNDERSTANDING THE RELATIONSHIP BETWEEN
GOD AND JESUS)*

*Battala barreeffaama gabaabduu kana
dubbislanitti gaaffilee armaan gadiif deebii ni
aragattu.*

*Walitti dhufeenya Waaqayyoo fi Yesus gidduu jiru
maali?*

*Wangeela misiraachoo dhufaatii keessatti, Yesus
eenyu jedhamee waamamaa turee?*

Yesus maaliif Waaqayyo ta'uu hin danda'uu?

Afuurri Qulqulluu, maali ykn eenyu?

*Walitti dhufeenyi Waaqayyo fi Yesus gidduu jiru
fuula durattoo maal ta'aa?*

*Walitti dhufeenyi Waaqayyoo fi Yesus gidduu jiru
malii?*

*(What is the relationship between God and
Jesus?)*

*Walitti dhufeenyi Waaqayyoo fi Yesus gidduu jiru,
Macaafa Qulqulluu keessaa kutaaleen baay'een,
Yesus ilma Waaqayyoo, Waaqayyo immoo abbaa
Yesus kristos akka ta'e dha, Kan barsiisu.*

*Ergamichis Maariyaamiin kunoo, in ulfoofta,
ilmas in deessa, maqaa isaa immoo Yesus jedhii
moggaasii! Inni guddaa ni ta'a. ilma abbaa
jedhamee ni waamama" (Luqaas 1:31-32) jedhee
itti mul'atee dubbateera.*

*Cuuphaa Yesus irrattis "Inni kun ilma koo isa
jaalatamaa dha, gammachuun koos isatti ni
raawwatama" (Maatiyoos 3:17) jedhee Sagaleen
Waaqa irraa dubbate. Abbaan kamillee mucaa*

*isaa, isa abboomamaatti ni gammada. Garuu kan
Waaqayyoo kanarraa adda ta'us, akkuma
abbaan ilma isaa waliin qaama tokkicha ta'uu hin
dandeenye, Waaqayyos ilma isaa Yesus waliin
qaama tokkicha miti.*

*Yesus irraa, ifni ulfina Waaqayyoo ni calaaqisa
akkuma jiruttis abbaa isaa fakkachuun isaa
(Ibroota 1:3) keessatti ifeera. Fuullee (Daawwiti)
yeroo of dura qabnu, of argina, inni nuyi arginu
sun, fakkii qaama keenyaa, calaaqee ifaan
uumame dha malee, qaamni sun nuyi miti.
Haaluma kanaan ifni Waaqayyoo Yesus irraa
dhala namaatti calaaqisa malee, Yesus fi
Waaqayyo qaama tokkicha miti.*

*Abbaan, ijoollee isaa dursee jiraachuun dhugaa
haalumu hin yaalamne. Waaqayyos ilma isaa
Yesus dursee turuu ni mala, tures, yeroo hundaas
jira, Yesus garuu qaamaan (le'iin) hin turre,
Pheexiroosis kanuma "Yesus uumamuu biyya
Lafaan dura 'yaadan qabamee' garuu dhuma
barichaatti immoo isiniif jedhee mul'ifame".
(Pheexiroos 1^{ffaa} 1:20) jedhee nuuf mirkaneessa.*

*Dhalachuu isaatiin dura, Yesus hin turre,
Dhalachuun isaas "Waaqayyo akkasitti tokkicha
ilma isaa hamma kennuufitti biyya Lafaa jaallate.
Kun immoo isatti kan amanu hundinu jireenya
bara baraa haa qabaatuuf malee, haa baduuf
miti" kan ture (Yohaannis 3:16) "Ilma isaa,
Waaqayyo" dabarsee nuuf kenne isa jedhu
keessatti jechi ilma jedhu, jecha biraa ibsu
qabaaree?*

*Akkuma Waaqayyo "ilma koo, isa jaalatamaa"
Yesusiin jedhu, Yesus immoo irra daddebi'ee
Waaqayyoon, "abbaa koo" jedhee waameera.
"Amma gara abbaa koo nan deema, abbaan na
caala'oo" (Yohaannis 14:28) jedhee, Waaqayyo
isa caaluu isaa eega ibsee akkamittinis
Waaqayyoo fi Yesus tokko ta'uree?*

*Yesus, guyyicha ykn yericha dhuma yoom akka
ta'e gaafatamee, "Guyyicha ykn yericha sana,*

IS GOD A TRINITY?

*garuu abbaa koo duwwaatu beeka malee, ilmii
eenyu illee" (Maarqos 13:32) jedhee akka hin
beekne ibseera. Egaa, Waaqayyo beekke, Yesus
immoo wallaalee akkamittiin tokko ta'uu
danda'uree?*

*Du'aa ka'uu isaatiin booda, Yesus "Ani gara
abbaa kootti fi abbaa keessaniitti, gara
Waaqayyo kootii fi Waaqayyo keessaniitti ol nan
ba'a (Yohaannis 20:12) jedhee dubbatameera.
Akkasumas Phaawuloos "Waaqayyoo fi abbaa
Goftaa keenya Yesus Kiristoos" (Qoronxoos isa
2^{ffaa} 11:31) jedhee Waaqayyoon waameera.
Phaawuloosii fi Yohaannis duuka buutonni walitti
dhufeenya Waaqayyoo fi Yesuus gidduu jiru
hubatanii Phawuloosis "Kiristoos mataa tokko
tokkoo dhiiraa Waaqayyo immoo mataa
Kiristoos" (Qoronxoos 1^{ffaa} 11:3) ta'uu
dubbateera. Yesuus jalqabatti jiraataa akkuma
ta'etti yeroo ammaatti Waaqa (Jannata) jira
ta'ullee ammallee Waaqayyoon qixa miti.
Dhugaaf taanaan, Yesuus ammallee nama,
Waaqayyo miti kanas Phawuloos "Waaqayyo
tokkicha, inni gidduu dhaabatee Waaqayyoof
nama walitti fidus tokkicha, inni immoo Kiristoos
isa nama ta'ee mul'ate dha (Ximotewos 1ffaa
2:5) dubbateen nuuf mirkaneessa waan ta'eefis
gonkumaa Waaqayyo "waaqayyo ilmaa"
jedhamees hin waamamu.*

*Yohaannis "Namni, Yesus ilma Waaqayyoo ta'uu
isaa amanee yoo beeksise Waaqayyo isa keessa
inni Waaqayyo keessa in jiraata" (Ergaa Yohaannis
4:15) jedhee dhaameera. Kutaalee Macaafa
Qulqulluu armaan olitti ilaalle hunda keessatti
"Yesus ilma Waaqayyoo" ta'uu isaa hubaneerra
dhugaan jirus isa kana.*

*Wangeela Misiraachoo dhufaatii keessatti Yesus
eenyu jedhamee waamamaa turee?*

(What is Jesus called in the Gospels?)

*Wangeela (Maatiyoos Maarqos, Luqaasi fi
Yohaannis) keessatti irra dedebi'ame "Yesus",*

Dhugumaan Waaqayyo, 'waaqota sadanii'?

"kristos", "Gooftaa" fi "Barsiisaa" jedhamee waamameera.

Akkasumas

a) Si'a 81, Ilma Namaa

b) Si'a 27, Ilma Waaqayyoo

c) Si'a 17, Ilma Daawwit

d) Si'a 8, Ilma Jaallatamaa, jedhamee wamameera.

Nama foonii irraa dhalachuun isaa "Ilma namaa" isa jechisiiseera, Abbaan isaa Waaqayyo ta'uu "Ilma Waaqayyoo" isa jechisiiseera, Sanyi Daawwit keessa tokko ta'uu isaa fi biyya lafaatti deeb'ee dhufee teessoo mootii mootummaa Daawwit irra mootii ta'ee ta'uuf eegamuun isaa immoo "Ilma Daawwit" isa jechisiiseera akasumas Waaqayyo abba isaaf ajajamaa ta'uu isaatiif immoo "Ilma jaallatamaa" isa jechisiiseera.

Wabiilee Macaafa Qulqulluu keessa 133 armaan olitti eeraman hundaa keessatti, Yesus ilma jedhee waamamuu isaa nuuf ibsa, kunis, Inni, Waaqayyo abbaa irraa ifatti adda akka ta'e nu hubachiisa. Kanas, amannee fudhachuu qabna.

3. Yesus Maaliif Waaqayyo Ta'uu hin danda'uu? (Why cannot Jesus be God?)

Kaayyoon Waaqayyoo fi Yesus tokko ta'uullee, hojii adda addaa qabu.

Waaqayyo, Addaamiif filannoo jireenyaa kenne turus, Addaam garuu Waaqayyoof abboomamu dide cubbame. Waan ta'eefiis, tokkoo tokkoo sanyii dhala namaaf duuni ta'e fayyina fiduuf, namtichi qulqulluun ni ergama gara Waaqayyoottis, nama in deebisa. Namtichis Yesus Kristos dha. (Qoronxins 1ffaa 15:20-23, 42-49).

Waaqayyoo qulqulluu fi jiraataa dha; waan ta'eefis, hojii kana raawwachuu hin danda'u. Waaqayyoo hamaa gochuus hin danda'u. (Ergaa Yaaqob. 1:13). Garuu, Yesus du'eera, qorameera akkasumas cubbuu hin rawwanne malee

cubbamuufis dand'a ture (Ibroota 2:18, 4:15).

Biyyi lafaa isaan haa faayyuuf, Waaqayyoo ilma isaa dabarsee nuuf kenne. (Yohaannis 3:17).

"Waaqayyo garuu utuma nuyi cubbamoota taanee jirruu, kristos nuuf du'uu isaatiin hammam akka nu jaaallate in agarsiisa. Kanaafis amma nuyi dhiiga isaa, isa dhangala'een qajeeltoota erga taane, hammam caalaatti isumaan immoo dheekkamsa Waaqayyoo jalaa ooluuf jirra" (Gara Warra. Roomaatti 5:8-9) Waaqayyoo cubamuus ykn du'uus hin danda'u kanaaf, inni yesus kirirstoiin, isa nuuf du'een fayyina fideera. Yesus cubbamu hin dand'u utuu ta'ee, cubbuu injifachuun isaa hiika hin qabaatu ture sababa kanaafis, 'waaqota sadan' isa jedhamu sanaaf, Yesus miseensomuu hin danda'u.

4. Afuurri Qulqulluun maali?, ykn eenyu?

(Who or what is the holy spirit?)

Waaqayyoo fi Yesus "waaqota sadan" kessaa miseensota isaan lamaan akka hin taane amma beeknee jirra. Kanaaf Afuurri Qulqulluunis tuuta hin jirre tokkoof qaama isa sadaffaa (miseensa) ta'uu hin danda'u. "Afuurri Qulqulluun, le'ii (qaama ijaan argamu) utuu hin taane, humna Waaqayyo hoji-maata ittiin to'atu ta'uu" isaa Macaafni Qulqulluun in ibsa, akkasumaas Waaqayyoo humna isaa in to'ata. Ergamichi Maariyaamiin "Afuurri Qulqulluun si irra in bu'a, humni abbaas si golbooba, kanaafis mucichi sirraa dhalatu kun Qulqulluu fi ilma Waaqayyoo jedhamee in waamama." (Luqaas 1:35) jedhee dubbateera. Waaqayyo, Yesusin, ilma isaaqaamaan fiduuf humna isaa Afuura Qulqulluu fayyadameera. Dhugaa ibsama kanas, salphaatti hunbachuun in fayyadamera. Dhugaa ibsama kanas, salphaatti hubachuun in danda'ama.

5. Walitti dhufeeny Waaqayyoo fi Yesus gidduu jiru fuula durattoo, maal ta'aa? (What will be the

IS GOD A TRINITY?

relationship between God and Jesus in the future?)

Yesus ammallee, jiraataa ta'us gaheern hojii isaa kan Waaqayyoo irraa adda dha. Yesusin, Waaqayyo dhiyootti gara biyya lafaatti deebisee in erga (Zakkaariyaas 9:9-10, Maatiyoos 25:31). Yesus mootummicha dabarsee harka Waaqayyo abbaatti hamma kennutti in mo'a. Yesus jalqabatti ilma Waaqayyoo jiraataa akkuma ta'etti Waaqayyo jala in gala.....

"Waaqayyo karaa hundumaa waan hundumaa irra in ta'a" (Qoronxos 1ffaa 15; 23-26) Yesus yeroo deebi'ee dhufu, jireenya bara baraa eebbifamnee hirmaattuu mootummaa Waaqayyoo ta'uu akka dandeenyuuf Sagalee Waaqayyoo amanuu fi abboommii isaa eeguu,

Qabeenyi Keenya gatiin illee hin argamne, kennaa dinqii Waaqayyoo "tokkicha ilma isa" nuuf kenne ta'uu fi Hojii Yesus "isa unuuf du'e" sanaaf safuu kennu qabna.

Yesus qabamuu isatiin dura, dhuma irraati bartoota isaatiif "si Waaqayyo isa tokkicha, isa dhugaa, Yesus kirirstosiin isa ati ergite beekuun isaanii jireenya bara baraati" jedhee kadhateera.

KUTAALEEN MACAFA QULQULLUU MARTI BAREEFFAMA KANA IRRATTI EERAMAN "HIIKA HAARAA" IRRAA FUDHATAMAN

Barsiisa Macaafa Qulqulluu "Kristoositti Obboleewwanii" Caalaatti Hordofuu Yoo feetan nu Quunnamuu Dandeesu

Kiristoositti Obboleewwan
Lakkoofsa Sanduuqa Poostaa 573
Naqamtee
Itoophiyaa